

重修棗陽縣志卷之三

學校

棗邑學宮建自東漢在縣治東南唐宋以後遞加修理元至元大德時知縣馬讓魏文昌繪諸賢像至治二年知縣鄧思易置祭器元末兵燬明洪武五年知縣吳子俊重建永樂中頒書籍設祭器天順時知縣黃金修名宦鄉賢二祠於大成門之東西建石坊於櫺星門內鑿泮池甃以石橋教諭胡頊記之正德時知縣安邦重修嘉靖九年易塑像爲木主增修啓聖祠及敬一亭於明倫堂後二十二年李一龍建文昌祠

重修棗陽縣志

卷之三

學校

一

三十一年知縣王充耕遷泮池於櫺星門外萬曆元年知縣王應辰建宣文閣於明倫堂後中置敬一碑遷文昌祠於崇文樓之左改建明倫堂以敬一亭故址附益之移教諭訓導署於閣左右建二齋曰進德修業學宮之東爲儒學門左右爲登龍起鳳坊列科第姓名今廢

國朝順治時知縣柯聳崔爾瞻署縣事同知冀應熊前後修葺康熙十一年知縣劉嗣煦重修兩廡建魁星樓四十六年知縣朱作楫教諭徐光林訓導王希侗以學宮逼近城垣移大成殿於明倫堂基後兩廡及名宦鄉賢祠泮池俱改修時

邑民李長祚之妻梅氏捐田地七百餘畝變價以助修費訓導王禹偁有記五十五年知縣孫常訓導王希偁重建明倫堂乾隆九年知縣徐芳桂教諭唐治訓導熊宗儒於學宮前重建小南門門左百餘步建文昌閣於泮池前建櫺星門改明倫堂爲崇聖祠以名宦祠東基址建明倫堂十九年張載遠重修

大成殿二十三年知縣黃文瑗建尊經閣於小南門上左修文昌閣右建大南門象三臺以拱衛學宮百餘年來未經修理楹桷腐壞棟宇摧頽幾不能蔽風雨咸豐元年

重修棗陽縣志

卷之三

學校

二

大成殿中樑朽折至地前縣楊嘉運謀修以升隨州未果是歲七月子飭由鄖縣調棗陽會集紳耆各捐爲倡並分赴四鄉勸捐重修殿宇東牆外買添袁兆鏊宅基長一丈寬四丈餘殿西牆外係廩生楊兆先楊興先住宅其父守寬及叔守敏守惠弟法先以廟宇重修制宜壯濶方正願讓宅基東西八尺一寸南北八丈二尺因於殿之原基東西各擴六尺五寸北擴五尺基深一丈臺崇七尺五寸加高一丈三尺有奇

重修大成殿中奉

至聖先師孔子木主南向左右列四配東西序列先賢木主

十二分配殿前堂臺環以石欄中列神道石東西階級石各如式東廡西廡向皆五楹移大成門於南並圻西齋客舍將兩廡各廣二丈前廣三尺高五尺爲東西廡各七楹分列從祀先賢先儒大成門五楹南移二丈四尺基址寬高有加中門東左門西右門式如舊兩稍間翼以牆壁畱門於外以收存禮樂器左爲名宦祠右爲鄉賢祠門外豐碑林立皆前朝至今修建所記之文中有石坊上題階天日月左右分題聖域賢關卽明天順時知縣黃金所建櫺星門也坊外東有忠義祠西有節孝祠因體制不符移建於西偏前爲泮池向有重修棗陽縣志

三橋今合爲一而擴其池泮池前石坊卽今之櫺星門也明嘉靖時在泮池內本朝乾隆初年改建坊之上題垂憲萬古左右書德配天地道冠古今櫺星門兩旁東曰禮門西曰義路外列石獅二前爲外屏屏外小南門上爲尊經閣今於屏外東西建二坊而列德配天地道冠古今於上以符定制西偏地嫌窄狹買毛姓房屋六間之基以附焉

四配東二位

復聖顏子

述聖子思子

大成

殿至聖先師孔子

正位

四配西二位

宗聖曾子

亞聖孟子

重修棗陽縣志

卷之三

學校

十二哲東序六位

閔子損

字子騫魯人

冉子雍

字仲弓魯人

端木子賜

字子貢衛人

仲子由

字子路一字季路卞人

卜子商

字子夏衛人

有子若

字子若魯人乾隆三年升配大成殿東序

十二哲西序六位

冉子耕

字伯牛魯人

宰子予 字子我 魯人

冉子求 字子有 魯人

言子偃 字子游 吳人

顓孫子師 字子張 陳人

朱子熹 字元晦 一字仲晦 徽州婺源人 康熙五十一年升配大成殿

東廡先賢三十九位

蘧瑗 字伯玉 衛人

澹臺滅明 字子羽 武城人

原憲 字子思 宋人

重修棗陽縣志 卷之三 學校

南宮适 字子容 一稱南容 又稱南宮敬叔 魯人

商瞿 字子木 魯人

漆雕開 字子開 一作子若 蔡人 一作魯人

司馬耕 一云名黎 耕字子牛 一云字牛 宋人

梁鱣 一云名鯉 一云名仲字叔魚 一作子魚 一作子免 齊人

冉儒 一云名孺 字子魯 一作子魚 一作子魯 魯人

伯虔 一作伯處 字子析 一作子哲 一作子哲 魯人

冉季 字子產 一作子達 魯人

漆雕徒父 一云名從 字子友 魯人 一作子文 一作子友 魯人

漆雕哆一作子敏魯人

公西赤字子華魯人

任不齊字選一作子選楚人

公良孺字選一作子選陳人

公肩定一作公肩一作公有一作公堅定字子中一作子仲魯人一作衛人一作晉人

鄭單音臬善鉅鹿有鄭縣一作鄭善太原有鄭縣字子家史記有家語無

罕父黑一作宰父黑字子索一作子黑一作子素魯人

榮旗一作子顏魯人

左人郢一作左郢字行一作子行一作子衡魯人

重修棗陽縣志 卷之三 學校 六

薛邦史記作鄭國避高祖諱作國或云鄭國薛邦實兩人

原亢字籍史記作原亢籍家語作原桃字子籍古本家語作原亢宋史禮志作原抗魯人

廉潔一云名絜字庸一作子庸一作子曹衛人

叔仲會一云名噲字子期魯人一作晉人

公西輿如一云名輿字子上魯人

邦選史記作邽異一作國選字子歛一作子飲魯人

陳亢一云名伉字子禽一作子亢陳人

琴張一作琴牢字子開衛人史記無

步叔乘一作少叔乘字子車齊人

秦非 字子之魯人

顏噲 字子聲魯人

顏何 字冉一作稱魯人一作晉人古本家語史記有今本家語無

縣亶 一作縣豐一作縣亶父字子象魯人史記無或云即鄒單本朝雍正二年增祀

樂正克 孟子弟子為魯臣宋政和五年配享鄒縣孟子廟雍正二年從祀孔廟稱先賢

萬章 孟子弟子宋政和五年從祀孔子廟稱先賢

周敦頤 字茂叔道州營道人宋淳祐元年從祀孔子廟庭明崇禎十五年改稱先賢

程顥 字伯淳河南開封人宋淳祐元年從祀孔子廟庭明崇禎十五年改稱先賢

邵雍 字堯夫其先范陽人徙衡漳又徙共城遂為河南人宋端平二年從祀孔子廟庭明崇禎

重修棗陽縣志

卷之三

學校

七

十五年改稱先賢

西廡先賢三十八位

林放 字子邱魯人泰安府東南有放城集為林放故里

宓不齊 字子賤魯人

公治長 一云名萇一云名芝字子長一作子芝一作子之齊人一作魯人

公皙哀 一云名克字季次一作季沈齊人一作魯人

高柴 字子羔一作子臯齊大夫高氏之族一作衛人

樊須 字子遲魯人一作齊人

商澤 字子季一作子秀魯人

巫馬施

一云名期字子旗一作子期陳人一作魯人

顏辛

一云名幸字子柳或作韋魯人

曹卹

字子循蔡人

公孫龍

一云名龍字子石衛人一作楚人周有兩公孫龍一趙人

秦商

字子丕一作丕茲魯人一作楚人

顏高

一云名刻一云名產字子驕魯人

壤駟赤

壤一作穰字子徒一作子從秦人

石作蜀

一作之蜀一作子蜀字子明秦之成紀人

公夏首

一云名首字乘一作子乘魯人

重修棗陽縣志

卷之三

學校

后處

一作石處字子理齊人

奚容蒧

一作奚蒧字子哲一作子偕一作子楷魯人

顏祖

一云名相字襄一作子襄魯人

句井疆

句音鉤字子孟一作子疆衛人

秦祖

字子南秦人

縣成

字子祺一作子橫一作子期魯人

公祖句茲

一作公祖茲字子之魯人

燕伋

一云名伋字一作子思秦人

樂欬

一云名欣字子聲魯人

狄黑 一云名墨字皙一作皙之

孔忠 字子蔑聖兄 孟皮之子

公西蒧 字子上 魯人

顏之僕 字子叔 魯人

施之常 字子恒一作子常魯人

申 稭 字子周 魯人

左邱明 魯人為魯太史楚左史倚相之後也 注論語之左邱明何晏曰魯太史那昂云受春秋

經於孔子者也朱子云古之聞人則以受春秋者為二人

秦冉 字開一作子開蔡人

重修棗陽縣志 卷之三 學校

牧皮 名見孟子 本朝 雍正二年增祀

公都子 孟子弟子宋政和五年從祀孔廟稱先賢 本朝雍正二年從祀孔廟稱先賢

公孫丑 孟子弟子宋政和五年從祀孔廟稱先賢 本朝雍正二年從祀孔廟稱先賢

張載 字子厚長安人宋淳熙元年從祀孔廟稱先賢 本朝雍正二年從祀孔廟稱先賢

程頤 字正叔顛弟宋淳祐元年從祀孔廟明崇禎十五年改稱先賢

東廡先儒二十位

公羊高 齊人受春秋於子夏唐永徽中從祀孔子廟庭

伏勝 字子賤濟南人唐永徽中從祀孔子廟庭

董仲舒 廣川人元至順元年從祀孔子廟庭

后 蒼 字近君東海郟人明嘉靖九年從祀孔子廟庭

杜子春 河南緱氏入唐永徽中從祀孔子廟庭

諸葛亮 字孔明瑯琊陽都人本朝雍正二年從祀孔子廟庭

王 通 字仲淹河南龍門人門弟子私謚日文中子明嘉靖九年從祀孔子廟庭

陸 贄 字敬輿蘇州嘉興人本朝康熙六十一年增祀唐德宗於京師歷代帝王廟以贄從祀

道光五年從祀孔子廟庭

韓 琦 字安陽人咸豐二年准河南巡撫李德奏請從祀孔子廟庭列先儒唐臣陸贄之次

范仲淹 字希文蘇州吳縣人本朝康熙五十四年從祀孔子廟庭六十一年又從祀宋仁宗於

京師歷代帝王廟

重修棗陽縣志

卷之三

學校

十

歐陽修 字永叔廬陵人端平二年從祀於孔子廟庭旋罷明嘉靖九年復祀

楊 時 字中立南劍將樂人明宏治八年從祀孔子廟庭

謝良佐 字河南上蔡縣人道光二十九年從祀孔子廟庭

羅從彥 字仲素南劍人明隆慶六年從祀孔子廟庭

李 侗 字愿中南劍州劍浦人明隆慶六年從祀孔子廟庭

呂祖謙 字伯恭尚書右丞好問之孫婺州人景定三年從祀孔子廟庭

蔡 沈 字仲默先儒元定子也明正統二年從祀孔子廟庭

陳 淳 字安卿漳州龍溪人本朝雍正二年從祀孔子廟庭

魏了翁 字華父邛川蒲江人本朝雍正二年從祀孔子廟庭

王柏 字會之 婺州金華人 本朝 雍正二年從祀孔子廟庭

趙復 字仁甫 德安人 復家江漢之上 本朝 雍正二年從祀孔子廟庭

許謙 字益之 金華人 本朝 雍正二年從祀孔子廟庭

吳澄 字幼清 撫州崇仁人 明宣德四年從祀孔子廟庭 宏治八年罷祀 本朝 乾隆二年復祀

胡居仁 字叔心 餘干人 萬曆十三年從祀孔子廟庭

王守仁 字伯安 餘姚人 萬曆十一年從祀孔子廟庭

羅欽順 字允升 泰和人 本朝 雍正二年從祀孔子廟庭

黃道周 字幼平 漳浦人 道光三年從祀孔子廟庭

湯斌 字伯孔 號潛菴 河南睢州人 雍正十年 詔入賢良祠 乾隆元年 賜諡文正 道光三年

重修棗陽縣志

卷之三

學校

士

從祀孔子廟庭

西廡先儒二十七位

穀梁赤 一云名喜 一云名俶 字元始 魯人 宋永徽中從祀孔子廟庭

高堂生 魯人 齊公族 唐永徽中從祀孔子廟庭

孔安國 字子國 宋永徽中從祀孔子廟庭

毛萇 趙人 宋永徽中從祀孔子廟庭

鄭康成 北海高密人 宋永徽中從祀孔子廟庭 明嘉靖九年罷祀 祀於鄉 本朝 雍正二年復祀

范甯 字武子 南陽人 宋永徽中從祀孔子廟庭 明嘉靖九年罷祀 祀於其鄉 本朝 雍正二年復祀

韓愈 字退之 鄧州南陽人 宋元豐中從祀孔子廟庭 明嘉靖九年又從祀鄒縣孟子廟 本朝

乾隆二十一年又建孟子廟於曲阜亦以愈從祀

胡瑗

字翼之奉州海陵人宋端平二年從祀孔子廟庭

司馬光

字君實夏縣人宋端平二年從祀孔子廟庭本朝康熙六十一年又從祀宋哲宗於京師

歷代帝王廟

尹焯

字彥明一字德充洛陽人雍正二年從祀孔子廟庭

本朝

胡安國

字康侯崇安人明正統二年從祀孔子廟庭

張栻

字敬夫蜀之綿州人丞相浚子也景定三年從祀孔子廟庭

陸九淵

字子靜金谿人明嘉靖九年從祀孔子廟庭

黃幹

字直卿閩縣人本朝雍正二年從祀孔子廟庭

重修棗陽縣志

卷之三

學校

三

真德秀

字景元建之浦城人明正統二年從祀孔子廟庭

文天祥

號文山廬陵人本朝道光廿六年從祀孔子廟庭

何基

字子恭婺州金華人本朝雍正二年從祀孔子廟庭

陳澔

字可大都昌人本朝雍正二年從祀孔子廟庭

金履祥

字吉父婺之蘭溪人明正統二年從祀孔子廟庭

許衡

字仲平懷之河內人元皇慶二年從祀孔子廟庭

薛瑄

字德溫河津人明隆慶六年從祀孔子廟庭

陳獻章

字公甫新會人萬曆十二年從祀孔子廟庭

蔡清

字介夫晉江人本朝雍正二年從祀孔子廟庭

呂

坤

字叔簡甯陵人道光五年從祀孔子廟庭

劉宗周

字起東山陰人道光二年從祀孔子廟庭

孫奇逢

字啓泰容城人道光八年從祀孔子廟庭

陸隴其

字稼書平湖人雍正二年從祀孔子廟庭

崇聖祠在

大成殿後雍正二年加封

孔子先世五代皆王爵改啓聖祠爲崇聖祠中奉

肇聖王木金父以下至

啓聖王叔梁公五位木主皆南向以顏子父無繇曾子父黜

子思父鯉孟子父孟孫氏配饗

重修棗陽縣志

卷之三

學校

三

孔氏鯉

東配先賢

顏氏無繇

崇聖王伯夏公

裕聖王祈父公

肇聖王木金公

詒聖王防叔公

啓聖王叔梁公

崇聖祠位次圖

曾氏點

西配先賢

孟孫氏

考崇聖祠東配顏氏孔氏西配曾氏孟孫氏皆於明
正統二年贈公爵配享啓聖王嘉靖九年稱先賢

崇聖祠東廡先儒三位

周輔成

先賢周子之父明萬曆二十三年從祀啓聖祠稱先儒

程珦

先賢二程子之父明嘉靖十年從祀啓聖祠稱先儒

蔡元定

建州建陽人明嘉靖十年以沈從祀孔廟兩廡升元定從祀啓聖祠稱先儒

崇聖祠西廡先儒二位

張迪

先賢張子之父本朝雍正二年從祀啓聖祠稱先儒

朱松

字喬年先賢朱子之父明嘉靖十年從祀啓聖祠稱先儒

重修棗陽縣志

卷之三

學校

十四

學廟原起

古有學無廟釋菜奠幣即於學漢始廟於太學闕里太宰太
祝各一人明帝永平二年以周公孔子並祀於郡學桓帝元
嘉三年三月立孔廟唐武德初郡國皆立周公孔子廟貞觀
中許敬宗奏天下州縣置三獻官開元三十七年詔諸州廟
立十哲七十二賢位曾公侯伯有差宋則州縣莫不有學學
莫不有廟其後衰亂或廢學而廟存洪武初罷武成王廟十
五年四月詔府州縣皆於學專祀孔子廟仍日文宣殿仍曰
大成建學舍以居生徒厥後學舍虛設其實廟而已矣廟則

從祀典言矣嘉靖中更定禮制頌樂器祭器春秋上下行禮
歲久禮數又廢

歷代尊崇典禮

西漢成帝綏和元年詔封孔子世爲殷紹嘉公以主殷後從
梅福請也封爵自此始平帝元始元年追謚孔子褒成宣尼
公謚號自此始東漢安帝祀七十二弟子於闕里祀弟子自
此始皆止立廟於太學及闕里魏文帝修魯郡舊廟廣爲室
屋居學者學廟始合一唐乾封元年追謚太師天授元年封
隆道公皆有圖像開元初圖七十二賢於壁二十七年進謚

重修棗陽縣志

卷之三

學校

五

文宣王顏子贈兗國公餘贈侯伯祭用明衣牲牢其後革明
衣宋建隆三年詔廟門立戟十六枝用正一品禮太平興國
三年詔令後裔襲封文宣公真宗大中祥符元年上欲謚爲
帝廷臣言孔子周陪臣周止稱王不當加帝追謚文宣王桓
圭一冕九旒服九章公十哲侯七十子五年改稱至聖文宣
王大觀四年詔門戟二十四王執鎮圭崇寧四年改用冕十
二旒元成宗謚大成至聖文宣王大明洪武初國子司業宋
濂上言荀况謂性惡楊雄事王莽王弼宗莊老賈逵忽細行
杜預建短喪馬融黨權勢宜黜回參伋坐饗堂上而其父食

廡下非禮上不直其說三年詔封爵如故門去戟黜楊雄從祀十七年定祭器祭服儀式太學用木主天下廟像如故成化十三年周洪謨請尊孔子爲廣運帝不許弘治初程敏政復請黜馬融王弼戴聖劉向賈逵何休王肅杜預荀况宜別立叔梁紇祠以顏無繇曾點孔鯉孟孫氏配享程珦朱松從祀嘉靖九年定稱至聖先師祀殿中南面復聖顏子宗聖曾子述聖子思子亞聖孟子與十哲皆祀殿中東面西面諸子皆曰先賢某子祀兩廡其從祀諸子自左邱明下皆曰先儒某子罷公侯伯諸封爵申黨申棖疑本一人存棖去黨黜公

重修棗陽縣志

卷之三

學校

六

伯寮秦冉顏何荀况戴勝劉向賈逵馬融王休王肅王弼杜預吳澄十三人增祀后蒼王通歐陽修胡瑗又以行人薛侃議進陸九淵出林放蘧瑗鄭眾鄭元盧植服虔范甯七人各祀於其鄉啓聖公叔梁紇別祀以無繇點鯉孟孫四氏配享程珦朱松蔡元定三先儒從祀撤塑像易木主前代之議至是始定萬曆三十二年增周輔成祀啓聖祠

本朝順治十四年改稱至聖先師孔子康熙二十三年

顏萬世師表額二十六年修禮樂器令學宮習佾舞二十九年令官民等經過下馬五十一年進宋儒朱子熹祀殿內位

顓孫子下五十四年以宋臣范仲淹從祀西廡雍正二年加封孔子五代王爵復遽瑗林放秦冉顏何從祀爲先賢復鄭康成范甯從祀爲先儒又增縣直牧皮樂正子公都子萬章公孫丑六人從祀爲先賢增漢諸葛亮宋尹焯魏了翁黃幹陳淳何基王柏趙復元金履祥許謙陳澔明羅欽順蔡清國朝陸隴其從祀爲先儒又 詔增宋儒張子載之父迪從

祀崇聖祠三年 頒生民未有額五年奉

上諭避孔子諱加下旁讀作期每歲八月二十七日遇

先師聖誕文武官各致齋一日不理刑名禁止屠宰八年令

重修棗陽縣志

卷之三

學校

七

州縣學宮春秋丁祭以太牢乾隆元年

頒與天地參額二年進先賢有子祀殿內位卜子下準尙書

甘汝來請復元儒吳澄從祀廟廡五年定樂用六佾設樂舞

生四十名免府縣試九年 頒祭祀樂章嘉慶四年 頒聖

集大成額道光元年 頒道協時中額二年增劉宗周從祀

三年增湯斌從祀五年增黃道周從祀六年增陸贄呂坤從

祀八年增孫奇逢從祀二十三年增文天祥從祀

御製至聖先師孔子贊

康熙二十五年

蓋自三才建而天地不居其功一中傳而聖人代宣其蘊有

行道之聖得位以綏猷有明道之聖立言以垂憲此正學所以常明人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下秉剛述之權明道之聖人也行道者勲業爛於一朝明道者教思周於百世堯舜禹湯文武之後不有孔子則學術紛淆仁義湮沒斯道之失傳也久矣後之人而欲探二帝三王之心法以爲治天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰

重修棗陽縣志

卷之三

學校

六

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終晦秩然大經百家紛紜殊途異趨日月無踰羹牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉今圖溯源洙泗景躅唐虞載厯庭除式觀禮器摛毫仰贊心焉遐企百世而上以聖爲歸百世而下以聖爲師非師夫子爲師於道統天御世惟道爲

寶泰山巖巖東海泱泱牆高萬仞夫子之堂孰窺其藩孰窺其徑道不遠人克念作聖

御製四賢贊 康熙二十八年

顏子贊

聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍藏王佐之器

曾子贊

洙泗之傳魯以得之一貫曰唯聖學在茲明德新民止善爲

重修棗陽縣志

卷之三

學校

九

期格致誠正均平以推至德要道百行所基纂承統緒修明訓辭

子思子贊

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

孟子贊

哲人既萎楊墨昌熾子輿闢之曰仁曰義性善獨闢知言養氣道稱堯舜學屏功利煌煌七篇並垂六藝孔學攸傳禹功

作配

名宦祠在戟門之左

祀宋知棗陽軍孟宗政 元副萬戶齊珪知縣王麒 明知

縣楊瑛 徐翀 安邦 王應辰 王之翰 教諭董伯圭

廖觀海

鄉賢祠在戟門之右

祀漢舞陰侯岑彭 全椒侯馬成 侍中馬良 唐秘書省

正字岑文本 明溫州知府李端 賓州知州錢積中 蘇

松巡撫王琰 國朝隴西知縣劉崑

重修棗陽縣志

卷之三

學校

三

忠義節孝二祠在櫺星門內東西相向雍正五年奉

文建

明倫堂舊在大成殿後乾隆九年改爲崇聖祠乃移建於宮

牆之東

教諭署在明倫堂之右曰東齋

訓導署在宮牆之西曰西齋

師生員缺

教諭訓導各一員廩生二十名增生二十名歲貢生以廩生

食餼次序每二歲貢一人遇

覃恩加貢一人名恩貢生以次貢作正貢附學生歲科鄉試
每次額取十五名遇

覃恩廣額五名不爲例武生歲試額取十五名無科試

臥碑八條

一生員之家父母賢智者子當受教父母愚魯或有非爲者
子旣讀書明禮當再三懇告使父母不陷於危亡

一生員立志當學爲忠臣清官書史所載清忠事蹟務須互
相講究凡利國愛民之事更宜畱心

一生員居心忠厚正直讀書方有實用出仕必作良吏若心

重修棗陽縣志

卷之三

學校

三

術邪刻讀書必無成就爲官必取禍患行害人之事者往往
自害其身常宜思省

一生員不可干求官長交結勢要希圖進身若果心善德全
上天知之必加以福

一生員當愛身忍性有司官衙門不可輕入卽有切己之事
止許家人代告不許干與他人詞訟他人亦不許牽連生員
作證

一爲學當尊敬先生若講說必須誠心聽受如有未明從容
再問毋妄行辨難爲師者亦當盡心訓誨勿致怠惰

一軍民一切利病不許上書陳言如有一言建白以違治論
黜革治罪

一生員不許糾黨多人立盟結社把持官府武斷鄉曲所作
文字不許妄行刊刻違者聽提調官治罪

御製訓飭士子文

康熙四十一年

國家建立學校原以興行教化作育人才典至渥也朕臨御
以來隆重師儒加意庠序近復慎簡學使釐剔弊端務期風
教修明賢才蔚起庶幾樸棧作人之意乃比來士習未端儒
效罕著雖因內外臣工奉行未能盡善亦田爾諸生積錮已

重修棗陽縣志

卷之三

學校

三

久狃難改易之故也茲特親製訓言再加警飭爾諸生其敬
聽之從來善士先立品行次及文學學術事功原委有序爾
諸生幼聞庭訓長列宮牆朝夕習讀寧無講求必也躬修實
踐砥礪廉隅敦孝順以事親秉忠貞以立志窮經考義無雜
荒誕之談取友親師悉化驕盈之氣文章歸於醇雅毋事浮
華軌度式於規繩最防蕩軼子矜佻達自昔所譏苟行止有
虧雖讀書何益若夫宅心弗淑行止多愆或蜚語流言脇制
官長或隱糧包訟出入公門或唆撥奸猾欺孤凌弱或招呼
朋類結社要盟乃如之人名教不容鄉黨弗齒縱幸脫褫撲

濫竊章縫返之於哀能無愧乎况乎鄉會科名乃掄才大典
關係尤鉅士子果有真才實學何患困不逢年顧乃標榜虛
名暗通聲氣夤緣詭遇罔顧身家又或改竄鄉貫希圖進取
囂凌騰沸網利營私種種弊端深可痛恨且夫士子出身之
始尤貴以正若茲厥初拜獻便已作奸犯科則異時敗檢踰
閑何所不至又安望其秉公持正爲國家宜猷樹績膺後先
疏附之選哉朕用嘉惠爾等故不禁反覆惓惓茲訓言頒到
爾等務共體朕心恪遵明訓一切痛加改悔爭自濯磨積行
勤學以圖上進國家三年登造束帛弓旌不特爾身有榮卽

重修棗陽縣志

卷之三

學校

三

爾祖父亦增光寵矣逢時得志寧俟他求哉若仍視爲具文
玩愒弗警毀方躍冶暴棄自甘則是爾等冥頑無知終不能
率教也旣負栽培復干咎戾王章具在朕亦不能爲爾等寬
貸自茲以往內而國學外而直省鄉校凡學臣師表皆有司
鐸之責者並宜傳集諸生多方董勸以副朕懷否則職業不
修咎亦難逭毋謂朕言之不預也爾多士尙敬聽之哉

御製飭諭司教勤學文

乾隆四年

士爲四民之首而教學者教化所先四方於是觀型焉比者
聚生徒而教育之董以師儒舉古人之成法規條亦旣詳備

矣獨是功名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學以爲己今之世父所以詔其子兄所以勉其弟師所以教其子弟弟子之所學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至乎死而後已者果何爲而然哉今之士惟不知此以爲苟足以應有司之求矣則無事乎汲汲爲也是以至於惰遊而

不知反終身不能有志於學而君子以爲非士之罪也使教素明於上而學素講於下則爲士者固將有以用其力而豈有不勉之患哉諸生果能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闡然自修世俗之紛華靡麗無足動念何患詞章聲譽之能奪志哉况爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日

日應科亦不累也居今之世雖孔子復生也不免應科然豈能累孔子耶朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而爲學者知

重修棗陽縣志

卷之三

學校

三五

所以學

頒發書籍

周易折衷

書經傳說彙纂

詩經傳說彙纂

春秋傳說彙纂

三經義疏

孝經註

性理經義

全部

全部

全部

全部

全部

全部

全部

十三經註疏

全部

周易述義

全部

詩義折中

全部

春秋直解

全部

朱子全書

全部

大學衍義補

全部

五子近思錄

全部

廿一史

全部

明史

全部

重修棗陽縣志

卷之三

學校

三

資治通鑑綱目

全部

淵鑑古文

全部

聖諭廣訓

全部

欽定四書文

全部

學政全書

全部